



MISSÆ PROPRIÆ
PATRONORUM,
 ET
FESTORUM
 REGNI POLONIÆ.
 AD NORMAM MISSALIS ROMANI
 ACCOMMODATÆ.

FESTA DECEMBRIS.

Die iv. Decembris.

IN FESTO

S. Barbaræ Virginis & Martyris.

Introitus. Psal. 18.



Loquébar de testimoniis
 tuis in conspectu regum,
 & non confundébar: &
 meditábar in mandátis
 tuis, quæ diléxi nimis.

Psal. ibid. Beati immaculati in via:
 qui ambulat in lege Domini.

v. Glória Patri. Oratio.

DEUS, qui inter cætera poténtiæ
 tuæ miracula, étiam in sexu frá-
 gili victóriam martyrii contulisti: con-
 cède propítius; ut, qui beátæ Bárba-
 ræ vírginis & mártiris tuæ natalítia
 cólimus, per ejus ad te exémpla gradiámur.
 Per Dóminum nostrum JESUM
 Christum Fílium tuum: Qui tecum
 vivit & regnat in unitáte Spíritus san-
 cti DEUS.

Léctio libri Sapiéntiæ. Eccl. 51.

Confitebor tibi Dómine Rex, &
 collaudábo te DEUM Salvatórem
 meum. Confitebor nómini tuo: quóniam
 adjutor & protéctor factus es mihi,
 & liberásti corpus meum à perdi-
 tione, à láqueo linguæ iniquæ, & à lá-
 biis operántium mendácium, & in
 conspectu astántium factus es mihi ad-
 jutor. Et liberásti me secúndum mul-
 titúdinem misericórdiæ nóminis tui à

rugiéntibus, præparátis ad escam, de
 má nibus quæréntium ánimam meam,
 & de portis tribulatiónum, quæ cir-
 cumdedérunt me: à presúra flam-
 mæ, quæ circúmdedit me, & in médio
 ignis non sum æstuáta: de altitúdi-
 ne ventris inferi, & à lingua coinquináta,
 & à verbo mendáci, à rege iniquo, &
 à lingua injústa. Laudábit usque ad
 mortem ánima mea Dóminum, quóniam
 éruis sustinéntes te, & liberas eos
 de má nibus géntium, Dómine DEUS
 noster.

Graduale. Psalm. 44. Dilexisti ju-
 stitiam, & odisti iniquitatem. **v.** Pro-
 ptérea unxit te DEUS, DEUS tuus, óleo
 lætitiæ. **Allelúja, allelúja.**

v. ibid. Adducéntur Regi vírgines post
 eam, próximæ ejus afferéntur tibi in
 lætítia. **Allelúja.**

**Sequéntia sancti Evangélii secúndum
 Matthæum. Matth. 25.**

In illo témpore: Dixit JESUS discipu-
 lis suis parábolam hanc: Símile
 erit regnum coelórum decem virgini-
 bus: quæ accipiéntes lámpades suas,
 exiérunt óbviám sponso, & sponsæ.
 Quinque autem ex eis erant fátuæ, &
 quinque prudéntes: sed quinque fá-
 tuæ accéptis lampádibus, non sum-
 pserunt óleum secum: prudéntes ve-
 rò acceperunt óleum in vasis suis cum
 lampádibus. Moram autem faciente
 sponso, dormitavérunt omnes, & dor-
 miérunt. Média autem nocte clamor

factus est: Ecce sponſus venit, exite obviam ei. Tunc ſurrexerunt omnes virgines illæ, & ornavérunt lámpades ſuas. Fátuæ autem ſapiéntibus dixerunt: Date nobis de óleo veſtro: quia lámpades noſtræ extingúntur. Reſpónderunt prudéntes, dicéntes: Ne fortè non ſufficiat nobis, & vobis, ite pótius ad vendéntes, & émite vobis. Dum autem irent émere, venit ſponſus: & quæ parátæ erant, intravérunt cum eo ad núptias, & clauſa eſt jánuæ. Novíſſimè verò véniunt, & réliquæ virgines, dicéntes: Dómine, Dómine, áperi nobis. At ille reſpóndens, ait: Amen dico vobis, néſcio vos. Vigilate itaque, quia néſcitis diem, neque horam.

Offertorium. Pſal. 44. Afferéntur Regi virgines poſt eam: próximæ ejus afferéntur tibi in lætítia & exultatione: adducéntur in templum Regi Dómino.

Secreta.

Suſcipe Dómine múnera, quæ in beatæ Bárbaræ virginis & mártiris tuæ ſolemmitate deférimus, cujus nos confidimus patrocínio liberári. Per Dóminum noſtrum JESUM Chriſtum Filium tuum: Qui tecum vivit & regnat in unitate Spíritûs ſancti DEUS.

Communio. Pſal. 118. Confundántur ſupérbi, quia injúſtè iniquitatem fecérunt in me: ego autem in mandátis tuis exercébor, in tuis juſtificationibus, ut non confundar.

Postcommunio.

Auxiliéntur nobis, Dómine, ſumpta myſtéria: & intercedente beata Bárbara virgine & mártire tua, ſempitérna fáciant protectióne gaudére. Per Dóminum noſtrum JESUM Chriſtum Filium tuum: Qui tecum vivit & regnat in unitate Spíritûs ſancti DEUS.

F E S T A F E B R U A R I I.

Die i. Februarii.

I N F E S T O

S. Brigidæ Virginis.

Introitus. Pſalm. 44.



Illexíſti juſtítiam, & odíſti iniquitatem: propterea unxit te DEUS, DEUS tuus óleo lætítie præ conſórtibus tuis.

Pſalm. ibid. Eructávit cor meum verbum bonum: dico ego ópera mea Regi. **ŷ.** Glória Patri.

Oratio.

OMnípotens ſempitérne DEUS, qui es ſanctórum glória virtútum, cleméntiam tuam ſúpplices exorámus: ut per mérita beatæ virginis tuæ Brigidæ, opportúnum tuæ pietátis auxiliúm ſentiámus. Per Dóminum.

Léctio Epíſtolæ beáti Pauli Apóſtoli ad Corínthios. 2. Cor. 10. d

FRatres, Qui gloriátur, in Dómino gloriétur. Non enim qui ſeípſum comméndat, ille probátus eſt: ſed quem DEUS comméndat. Utinam ſuſtinerétis módicum quid inſipientiæ meæ, ſed & ſupportáte me. Æmulor enim vos DEI æmulatióne. Deſpóndi enim vos uni viro virginem caſtam exhibére Chriſto.

Graduale. Pſal. 44. Spécie tua, & pulchritúde tua, inténde, próſperè procéde, & regna. **ŷ.** Propter veritatem, & manſuetúdinem, & juſtítiam: & dedúcet te mirabiliter dextera tua. **Allelúja, allelúja.**

ŷ. Hæc eſt virgo ſápiens, & una de número prudéntem. **Allelúja.**

Post Septuagesimam omiſſo Allelúja, & Verſu ſequenti dicitur Tractus. ibid. Audi filia, & vide, & inclína aurem tuam: quia concupívit Rex ſpécie tuam. **ŷ.** Vultum tuum deprecabúntur omnes dívites plebis: filia

regum in honore tuo. *ψ.* Adducuntur Regi virgines post eam: proximæ ejus afferentur tibi. *ψ.* Afferentur in lætitia & exultatione: adducuntur in templum Regis.

Evangelium. Simile erit regnum cœlorum decem virginibus. *ut in Communi Virginum & Martyrum. fol. xxv.*

Offertorium. ibid. Filia regum in honore tuo, astitit regina à dextris tuis in vestitu deaurato, circumdata varietate.

Secreta.

Munera tibi Dômine dicata sanctifica: & intercedente beata Brigidâ virgine tua, per eadem nos placatus intende. Per Dôminum nostrum Jesum Christum Filium tuum: Qui tecum vivit & regnat in unitate Spiritûs sancti DEUS.

Communio. Matth. 25. Quinque prudentes virgines acceperunt oleum in vasis suis cum lampadibus: média autem nocte clamor factus est, ecce sponsus venit, exite obviam Christo Dômino.

Postcommunio.

Satiasti, Dômine, familiam tuam munèribus sacris: ejus quæsumus semper interventione nos refove, cujus solèmnia celebramus. Per Dôminum nostrum Jesum Christum Filium tuum: Qui tecum vivit & regnat in unitate Spiritûs sancti DEUS.

Die vi. Februarii.

SANCTÆ DOROTHEÆ VIRG & Mart. Missa. Me expectaverunt peccatores. in Communi Virginis & Martyris. fol. xxvi.

Die vii. Februarii.

S. ROMUALDI ABBATIS. Missa. Os justii meditabitur. de Communi Abbatum. fol. xxiv.

FESTA MARTII.

Die iv. Martii.

IN FESTO

S. Casimiri Confessoris.

Introitus. Psal. 36.



S justii meditabitur sapientiam, & lingua ejus loquetur judicium: lex DEI ejus in corde ipsius. **Psal. ibid.** Noli æmulari in malignantibus: neque zelaveris facientes iniquitatem.

ψ. Glôria Patri.

Oratio.

DEUS, qui inter regales delicias & mundi illécebras, sanctum Casimirum virtute constantiæ roborasti: quæsumus, ut ejus intercessione fideles tui terrèna despiciant, & cœlestia semper aspirent. Per Dôminum.

Si venerit in Quadragesima, cum commemoratione Feriæ.

Pro commemoratione S. Lucii Papæ & Martyris.

Oratio.

DEUS, qui nos beati Lucii Martyris tui atque Pontificis annua solèmnitate lætificas, concede propitius; ut cujus natalitia colimus, de ejusdem etiam protectione gaudeamus. Per Dôminum nostrum.

Lectio libri Sapientiæ. Eccli. 31.

Beatissimus vir, qui inventus est sine macula, & qui post aurum non abiit, nec speravit in pecunia & thesauris. Quis est hic, & laudabimus eum? fecit enim mirabilia in vita sua. Qui probatus est in illo, & perfectus est, erit illi glôria æterna: qui potuit transgredi, & non est transgressus; facere mala, & non fecit. Ideo stabilita sunt bona illius in Dômino, & eleemosynas illius enarrabit omnis Ecclesia Sanctorum.

Graduale. Psal. 91. Justus ut palma florebit: sicut cedrus Libani multiplicabitur in domo Dômini.

V. Ad annuntiandum manè misericordiam tuam, & veritatem tuam per noctem.

Tractus. Psal. 11. Beatus vir, qui timet Dominum: in mandatis ejus cupit nimis. **V.** Potens in terra erit semen ejus: generatio rectorum benedicetur. **V.** Gloria & divitiæ in domo ejus: & justitia ejus manet in sæculum sæculi.

Sequentia sancti Evangelii secundum Lucam. Lucae 12. c

In illo tempore: Dixit JESUS discipulis suis: Sint lumbi vestri præcincti, & lucernæ ardentes in manibus vestris, & vos similes hominibus expectantibus dominum suum quando revertatur à nuptiis; ut cum venerit, & pulsaverit, confestim aperiant ei. Beati servi illi, quos cum venerit dominus, invenerit vigilantes: amen dico vobis, quod præcinget se, & faciet illos discumbere, & transiens ministrabit illis. Et si venerit in secunda vigilia, & si in tertia vigilia venerit, & ita invenerit, beati sunt servi illi. Hoc autem scitote, quoniam si sciret paterfamilias, qua hora fur veniret, vigilaret utique, & non sineret perfodi domum suam. Et vos estote parati: quia qua hora non putatis, Filius hominis veniet. **Credo.**

Offertorium. Psalm. 88. Veritas mea, & misericordia mea cum ipso: & in nomine meo exaltabitur cornu ejus.

Secreta.

Suscipe misericors DEUS hæc tuæ plebis obsequia, & cœlestia munera expectantis petitiones propitius exaudi. Per Dominum nostrum.

De S. Lucio. Secreta.

Munera tibi, Domine, dicata sanctifica: & intercedente beato Lucio Martyre tuo, atque Pontifice, per eadem nos placatus intende. Per Dominum nostrum JESUM Christum Filium tuum.

Communio. Matth. 24. Beatus servus, quem, cum venerit Dominus, invenerit vigilantem: amen dico vobis, super omnia bona sua constituet eum. **Postcommunio.**

Refecti cibo potuque cœlesti, DEUS noster, te supplices exoramus: ut in cujus hæc commemoratione percipimus, ejus muniamur & precibus. Per Dominum nostrum.

Pro S. Lucio. Postcommunio.

Hæc nos communio Domine purget à crimine: & intercedente beato Lucio Martyre tuo atque Pontifice, cœlestis remedii faciat esse consortes. Per Dominum.

Die v. Martii.

I N F E S T O

Translationis S. Wenceslai Martyris.

Introitus. Psal. 63.



Etabitur justus in Domino, & sperabit in eo: & laudabuntur omnes recti corde.

Psal. ibid. Exaudi DEUS orationem meam cum deprecor: à timore inimici eripe animam meam.

V. Gloria Patri. **Oratio.**

DEUS, qui beati Wenceslai nobilitatem in meliorem mutasti dignitatem, & eum per Martyrii palmam ad cœlestem perduxisti gloriam: ejus precibus nos, quæsumus, ab omni adversitate libera, & æternæ beatitudinis concede perfrui gloria. Per Dominum nostrum JESUM Christum.

Lectio Epistolæ beati Petri Apostoli.

1. Pet. 4. c

Charissimi, Communicantes Christi passionibus gaudete, ut & in revelatione gloriæ ejus gaudeatis exultantes. Si exprobramini in nomine Christi, beati eritis: quoniam quod est honoris, gloriæ, & virtutis DEI, & qui est ejus Spiritus, super vos requie-

scit. Nemo autem vestrum patiatur ut homicida, aut fur, aut malédicus, aut alienorum appetitor. Si autem ut Christianus, non erubescat: glorificet autem DEUM in isto nomine. Quoniam tempus est, ut incipiat iudicium à domo DEI. Si autem primum à nobis: qui finis eorum, qui non credunt DEI Evangelio? Et si justus vix salvabitur, impius & peccator ubi parabunt? Itaque & hi, qui patiuntur secundum voluntatem DEI, fidelium Creatori commendent animas suas in benefactis.

Graduale. Psal. 36. Justus cum ceciderit, non collidetur: quia Dominus supponit manum suam. *Ps.* Tota die miseretur, & commodat: & semen ejus in benedictione erit.

Traetus. Psal. 111. Beatus vir, qui timet Dominum: in mandatis ejus cupit nimis. *Ps.* Potens in terra erit semen ejus: generatio rectorum benedicetur. *Ps.* Gloria & devotio in domo ejus: & justitia ejus manet in seculum seculi.

Sequentia sancti Evangelii secundum Matthæum. Matth. 16.

In illo tempore: Dixit Jesus discipulis suis: Si quis vult post me venire, abneget semetipsum, & tollat crucem suam, & sequatur me. Qui enim voluerit animam suam salvam facere, perdet eam. Qui autem perdidit animam suam propter me, inveniet eam. Quid enim prodest homini, si mundum universum lucratur, animæ verò suæ detrimentum patiatur? Aut quam dabit homo commutationem pro anima sua? Filius enim hominis venturus est in gloria Patris sui cum Angelis suis: & tunc reddet unicuique secundum opera ejus.

Dicitur Credo.

Offertorium. Psal. 20. Posuisti Domine super caput ejus coronam de lapide pretioso: vitam petiit à te, & tribuisti ei.

Secreta.

Accēpta sit in conspectu tuo, Domine, nostra devotio: & ejus nobis fiat supplicatione salutaris, pro cuius solemnitate defertur. Per Dominum nostrum.

Communio. Joan. 12. Qui mihi ministrat, me sequatur: & ubi sum ego, illic & minister meus erit.

Postcommunio.

Refecti participatione muneris facri, quæsumus Domine Deus noster: ut cuius exequimur cultum, intercedente beato Wenceslao martyre tuo, sentiamus effectum. Per Dominum nostrum.

Die x. Martii.

I N F E S T O

SS. Cyrilli & Methodii Confessorum & Pontificum.

Introitus. Psal. 131.



Sacerdotes tui, Domine, induant justitiam: & sancti tui exultent: propter David servum tuum, non avertas faciem Christi tui. **Psalms.** Memēto Domine David, & omnis mansuetudinis ejus. *Ps.* Gloria Patri.

Oratio.

Omnipotens sempiternus Deus, qui nos per beatos Pontifices & Confessores tuos Cyrillum & Methodium ad unitatem fidei Christianæ vocare dignatus es, præsta quæsumus, ut, qui præsentem eorum festivitatem lætamur, ipsorum etiam meritis gloriam consequi mereamur æternam. Per Dominum nostrum.

Epistola. Plures facti sunt Sacerdotes. **ut in Communi Confessoris Pontificis. fol. xviii.**

Graduale. Psalm. 25. Sacerdotes ejus induam salutari: & sancti ejus exultatione exultabunt. *Ps.* Illuc pro-

dúcam cornu David parávi lucérnam
Christo meo.

Tractus. Qui séminant in lácry-
mis, in gáudio metent. *ŷ.* Eúntes
ibant & flebant, mitténtes sémina sua.
ŷ. Veniéntes autem vénient cum
exultatióne, portántes manípulos suos.

Evangelium. Vigiláte, quia nescítis
qua hora. *de eodem Comuni. fol. xxii.*

Offertorium. *Pfalm. 67.* Mirábilis
DEUS in Sanctis suis: DEUS Israél, ipse
dabit virtútem & fortitúdinem plebi
suæ: benedíctus DEUS.

Secreta.

Oblátis, quæsumus, Dómine pla-
cáre munéribus: & interce-
déntibus sanctis tuis Cyrillo & Methó-
dio à cunctis nos defénde perículis.
Per Dóminum.

Communio. *Pfal. 67.* Quod dico
vobis in ténebris, dícite in lúmine, di-
cit Dóminus: & quod in aure audítis
prædicáte super tecta.

Postcommunio.

Præsta nobis, quæsumus, Dómine,
intercedéntibus sanctis Confessó-
ribus tuis Cyrillo & Methódio, ut,
quod ore contíngimus, pura mente
capiámus. Per Dóminum.

FESTA APRILIS.

Die xxiii. Aprilis.

I N F E S T O

**S. Adalberti Episcopi & Martyris, Re-
gnique Poloniæ Patroni.**

Introitus. *Pfal. 63.*

Brotexísti me DEUS à
convéntu malignán-
tium, allelúja: à multi-
túdine operántiū ini-
quitátem, allel., allel.

Pfalm. ibid. **E**xáudi

DEUS orationem meam cum depre-
cor: à timóre inimíci éripe ánimam
meam. *ŷ.* Glória Patri.

Oratio.

Tuam nobis indulgéntiam quæsu-
mus Dómine beátus Adalbértus
Episcopis & Martyr implóret: ut &
delícta nobis cleménter ignóscas, &
beneficia desideráta concédas. Per
Dóminum nostrum.

Léctio Epístolæ beáti Pauli Apóstoli
ad Hebræos. *Heb. 5.*

Fratres, Omnis Póntifex ex homí-
nibus assúptus pro homínibus
constitúitur in iis, quæ sunt ad DEUM, ut
ófferat dona, & sacrificia pro peccátis:
qui condolére possit iis, qui ignórant,
& errant: quóniam & ipse circúmda-
tus est infirmitáte: & propterea de-
bet, quemádmódum pro pópulo, ita
étiam & pro semetípso offérre pro
peccátis. Nec quisquam sumit sibi ho-
nórem, sed qui vocátur à DEO tam-
quam Aaron. Sic & Christus non se-
metípsum clarificávit ut Póntifex fie-
ret: sed qui locútus est ad eum: Fí-
lius meus es tu, ego hódie genui te.
Quemádmódum & in álio loco díci-
tur: Tu es Sacérdos in ætérnum, se-
cúndum órduem Melchisedech.

Allelúja, allelúja. *ŷ.* Surréxit Pastor
bonus, qui pósuit ánimam suam pro
óvibus suis, & pro grege suo mori di-
gnátus est, allelúja. *ŷ.* Posuísti Dómi-
ne super caput ejus coronam de lápide
pretiósó, allelúja.

Sequéntia sancti Evangélii secúndum
Joánnem. *Joan. 10.*

In illo témpore: Dixit JESUS Phari-
sæis: Ego sum Pastor bonus. Bo-
nus Pastor ánimam suam dat pro óvi-
bus suis. Mercenárius autem, & qui
non est Pastor, cujus non sunt oves
própriæ, videt lupum veniéntem, &
dimíttit oves, & fugit: & lupus rapit,
& dispérgit oves: mercenárius autem
fugit, quia mercenárius est, & non
pértinet ad eum de óvibus. Ego sum
Pastor bonus: & cognóscó meas, &
cognóscunt me meæ. Sicut novit me

Pater, & ego agnóscō Patrem: & animam meam pono pro óvibus meis. Et alias oves hábeo, quæ non sunt ex hoc óvili: & illas opórtet me addúcere, & vocem meam áudient, & fiet unum ovile, & unus Pastor. **Credo.**

Offertorium. Psalm. 20. Posuisti Dómine in cápite ejus coronam de lapide pretiósó: vitam pétiit à te, & tribuisti ei. Allelúja.

Secreta.

Sacrificium exhibitum, quæsumus, Dómine, benignus asúme: ut, quod nómini tuo in solemnitate beati Adalberti Mátyris tui atque Pontíficis deférimus, nobis profit ad véniam. Per Dóminum nostrum.

Communio. Joan. 10. Ego sum Pastor bonus, allelúja: & cognóscō oves meas, & cognóscunt me meæ, allelúja, allelúja.

Postcommunio.

Refécti Dómine munéribus sacris, súpplices te deprecámur; ut indulgéntiam tuam nobis intercésio beati Adalberti Mátyris tui atque Pontíficis semper implóret. Per Dóminum nostrum.

F E S T A M A I I.

Die ii. Maii.

I N F E S T O

S. Sigismundi Regis & Martyris.

Introitus. Psalm. 63.

Drotexisti me DEUS à convéntu malignántiū, allelúja: à multitudíne operántium iniquitatē, allelúja, allelúja.

Psalm. ibid. Exáudi DEUS orationem meam cum deprecor à timóre inimíci éripe animam meam.

ꝯ. Glória Patri. Oratio.

DEUS qui beátum Sigismúndum Regem, temporáli & ætérno diadémate cum delideráta Martyrii

coróna honoráre dignátus es: tribue quæsumus; ut, qui ejus mérita venerámur in terris, ipsíus intercessióne ab ómnibus protegámur advérsis. Per Dóminum nostrum.

Léctio libri Sapiéntiæ. Sap. 5.

Stabunt justi in magna constantia advérsus eos qui se angustiavérunt, & qui abstulérunt labóres eórum. Vidéntes turbabúntur timóre horribili, & mirabúntur in subitatióne insperátæ salútis, dicéntes intra se, pœniténtiam ágéntes, & præ angústia spíritus geméntes: Hi sunt, quos habúimus aliquándo in derísu, & in similitúdinem improperii. Nos insensáti vitam illórum æstimabámus insániam, & finem illórum sine honóre: ecce quómodo computáti sunt inter filios DEI, & inter Sanctos fors illórum est.

Allelúja, allelúja. ꝯ. Psalm. 88. Confitebúntur cœli mirabilia tua Dómine: étenim veritátem tuam in ecclésia sanctórum. Allelúja.

ꝯ. Psalm. 20. Posuisti Dómine super caput ejus coronam de lapide pretiósó. Allelúja.

Sequéntia sancti Evangélii secúndum Joánnem. Joan. 15.

In illo témpore: Dixit Jesus discipulis suis: Ego sum vitis vera: & Pater meus agricola est. Omnem pálmitem in me non feréntem fructum, tollet eum: & omnem qui fert fructum, purgábit eum, ut fructum plus áfferat. Jam vos mundi estis propter sermónem, quem locútus sum vobis. Manéte in me, & ego in vobis. Sicut palmes non potest ferre fructum à semetípso, nisi mánserit in vite: sic nec vos, nisi in me manséritis. Ego sum vitis, vos pálmites: qui manet in me, & ego in eo, hic fert fructum multum: quia sine me nihil potéstis fácere. Si quis in me non mánserit, mittétur foras sicut palmes, & aréscet, & colligent

eum, & in ignem mittent, & ardet. Si manseritis in me, & verba mea in vobis manserint: quodcumque volueritis, petetis, & fiet vobis. **Credo.**

Offertorium. Psalm. 88. Confitebuntur caeli mirabilia tua Domine, & veritatem tuam in Ecclesia Sanctorum, alleluja, alleluja.

Secreta.

Concede, quaesumus Rex aeternae: ut hujus sacrificii munus oblatum, interventu sancti Sigismundi Regis & Martyris, fragilitatem nostram ab omni adversitate semper protegat & muniat. Per Dominum.

Communio. Psalm. 36. Laetabitur justus in Domino, & sperabit in eo, & laudabuntur omnes recti corde, alleluja, alleluja.

Postcommunio.

Purificent nos, quaesumus Rex aeternae, tua percepta Sacramenta: & intercessione beati Sigismundi Regis & Martyris tui, ab omni malo expiatis, tibi nos reddant acceptos. Per Dominum nostrum.

Die iv. Maii.

I N F E S T O

Sancti Floriani Martyris.

Introitus. Psalm. 63.

Protexisti me DEUS a conventu malignantium, alleluja: a multitudine operantium iniquitate, alleluja, alleluja.

Psalm. ibid. Exaudi DEUS orationem meam cum deprecor: a timore inimici eripe animam meam.

Glória Patri. Oratio.

DEUS, qui nos beati Floriani Martyris tui solemnitate laetificas: concede propitius, ut cujus gloriosum triumphum veneramur in terris, societatis ejus laetitiam adipisci mereamur in caelis. Per Dominum.

Lectio libri Sapientiae. Sap. 5.

Stabunt justi in magna constantia adversus eos qui se angustiaverunt, & qui abstulerunt labores eorum. Videntes turbabuntur timore horribili, & mirabuntur in subitatione insperatae salutis, dicentes intra se, poenitentiam agentes, & pra angustia spiritus gementes: Hi sunt, quos habuimus aliquando in derisum, & in similitudinem improperii. Nos insensati vitam illorum aestimabamus insaniam, & finem illorum sine honore: ecce quomodo computati sunt inter filios DEI, & inter Sanctos fors illorum est.

Alleluja, alleluja. Psal. 88. Confitebuntur caeli mirabilia tua Domine: etenim veritatem tuam in ecclesia sanctorum. Alleluja.

Psal. Pretiosa in conspectu Domini, mors Sanctorum ejus, alleluja.

Sequentia sancti Evangelii secundum Joannem. Joan. 15.

In illo tempore: Dixit Jesus discipulis suis: Ego sum vitis vera: & Pater meus agricola est. Omnem palmitem in me non ferentem fructum, tollet eum: & omnem qui fert fructum, purgabit eum, ut fructum plus afferat. Jam vos mundi estis propter sermonem, quem locutus sum vobis. Manete in me, & ego in vobis. Sicut palmes non potest ferre fructum a semetipso, nisi manserit in vite: sic nec vos, nisi in me manseritis. Ego sum vitis, vos palmites: qui manet in me, & ego in eo, hic fert fructum multum: quia sine me nihil potestis facere. Si quis in me non manserit, mittetur foras sicut palmes, & arefcet, & colligent eum, & in ignem mittent, & ardet. Si manseritis in me, & verba mea in vobis manserint: quodcumque volueritis, petetis, & fiet vobis. **Credo.**

Offertorium. Psalm. 88. Confitebuntur caeli mirabilia tua Domine, &

veritatem tuam in Ecclesia Sancto-
rum, allelúja, allelúja.

Secreta.

HAnc oblationis Hostiam, quaesumus omnipotens DEUS beati Floriani martyris tui, digna commendet oratio: qui sancto charitatis tuae devictus amore, propriam sui corporis hostiam in odorem suavitatis tibi obtulit vivam. Per Dominum.

Communio. Psalm. 63. Laetabitur justus in Domino, & sperabit in eo: & laudabuntur omnes recti corde, allelúja, allelúja.

Postcommunio.

SAncta nos, quaesumus, Domine, Sacramenti coelestis participatio, & ab hostium callido tueantur incursu: & sancto Florianio intercedente, nobis remedia salutis conferant sempiterna. Per Dominum nostrum.

Die iv. Maii.

I N F E S T O

**Sancti Stanislai Episcopi & Martyris.
Regniue Poloniae Patroni.**

Introitus. Psalm. 63.

Protexisti me DEUS a conventu malignantium, allelúja: a multitudine operantium iniquitate, allelúja, allelúja.

Psalm. ibid. Exaudi DEUS orationem meam cum deprecor a timore inimici eripe animam meam.

Y. Gloria Patri. **Oratio.**

DEUS, pro cuius honore gloriosus Pontifex Stanisláus gladiis impiorum occubuit: praesta quaesumus; ut omnes qui ejus implorant auxilium, petitionis suae salutarem consequantur effectum. Per Dominum.

Lectio Epistolae beati Pauli Apostoli ad Hebraeos. **Heb. 5.**

FRatres, Omnis Pontifex ex hominibus assumptus, pro hominibus

constituitur in iis, quae sunt ad DEUM, ut offerat dona, & sacrificia pro peccatis: qui condolare possit iis, qui ignorant, & errant: quoniam & ipse circumdatus est infirmitate: & propterea debet, quemadmodum pro populo, ita etiam & pro semetipso offerre pro peccatis. Nec quisquam sumit sibi honorem, sed qui vocatur a DEO tamquam Aaron. Sic & Christus non semetipsum clarificavit ut Pontifex fieret: sed qui locutus est ad eum: Filius meus es tu, ego hodie genui te. Quemadmodum & in alio loco dicit: Tu es Sacerdos in aeternum, secundum ordinem Melchisedech.

Allelúja, allelúja. Y. Surrexit Pastor bonus, qui posuit animam suam pro ovibus suis, & pro grege suo mori dignatus est, allelúja. **Y. Psalm. 20.** Posuisti Domine super caput ejus coronam de lapide pretioso, allelúja.

Sequentia sancti Evangelii secundum Joannem. Joan. 10.

In illo tempore: Dixit Jesus Pharisaeis: Ego sum pastor bonus. Bonus pastor animam suam dat pro ovibus suis. Mercenarius autem, & qui non est pastor, cujus non sunt oves propriae, videt lupum venientem, & dimittit oves, & fugit: & lupus rapit, & dispergit oves: mercenarius autem fugit, quia mercenarius est, & non pertinet ad eum de ovibus. Ego sum Pastor bonus: & cognosco meas, & cognoscunt me meae. Sicut novit me Pater, & ego agnosco Patrem: & animam meam pono pro ovibus meis. Et alias oves habeo, quae non sunt ex hoc ovili: & illas oportet me adducere, & vocem meam audient, & fiet unum ovile, & unus Pastor.

Credo.

Offertorium. Psalm. 20. Posuisti Domine in capite ejus coronam de lapide pretioso: vitam petiit a te, & tribuisti ei. Allelúja.

Secreta.

MUnera tibi Dómine dicata sanctifica: & intercedente beato Stanisláo mártire tuo atque Pontífice, per eadem nos placatus inténde. Per Dóminum nostrum.

Communio. Joan. 10. Ego sum Pastor bonus, allelúja: & cognosco oves meas, & cognoscunt me meæ, allelúja, allelúja.

Postcommunio.

Hæc nos commúnio, Dómine, purget à crimine: & intercedente beato Stanisláo mártire tuo atque Pontífice, coeléstis remédii faciát esse consórtes. Per Dóminum.

F E S T A J U N I I.

Die iii. Junii.

I N F E S T O

Sancti Erasmi Episcopi & Martyris.

Tempore Paschali.

Introitus. Psalm. 63.

Protexisti me DEUS à convéntu malignantiũ, allelúja: à multitudíne operantium iniquitatē, allelúja, allelúja.

Psalm. ibid. Exáudi DEUS orationem meam cum deprecor: à timóre inimici éripe ánimam meam.

ŷ. Glória Patri. **Oratio.**

DEUS, cujus virtúte beátus Erásmus Martyr & Póntifex, multa tormentórum génera superávit: fac nos, quæsumus, ejus intercessióne, univérsas insídias inimicórum nostrórum visibílium & invisibílium cum gáudio superáre, & in Christo bonis opéribus abundáre. Per Dóminum.

Epistola: Stabunt justi. **de Comuni Mart. tempore Paschali. fol. vii.**

Allelúja, allelúja. ŷ. Psalm. 88. Confitebuntur coeli mirabilia tua Dómine: etenim veritatem tuam in ecclésia sanctórum. Allelúja.

ŷ. Psalm. 20. Posuisti Dómine super caput ejus coronam de lapide pretioso. Allelúja.

Evangelium. Ego sum vitis vera, & Pater meus agricola est. **de eodem Comuni. fol. vii.**

Offertorium. Psalm. 88. Confitebuntur coeli mirabilia tua Dómine, & veritatem tuam in ecclésia Sanctórum, allelúja, allelúja.

Secreta.

MUnera tibi Dómine dicata sanctifica: & intercedente beato Erásmo mártire tuo atque Pontífice, per eadem nos placatus inténde. Per Dóminum nostrum.

Communio. Psalm. 63. Lætábitur justus in Dómino, & sperábit in eo: & laudabuntur omnes recti corde, allelúja, allelúja.

Postcommunio.

Refécti participatióne múnieris facti, quæsumus Dómine DEUS noster: ut cujus exequimur cultum, intercedente beato Erásmo mártire tuo atque Pontífice, sentiámus effectum. Per Dóminum.

Die iii. Junii.

I N F E S T O

S. Erasmi Episcopi & Martyris,
post Pentecosten.

Introitus. Dan. 5.

Sacerdotes DEI benedicite Dóminum: sancti & humiles corde laudate DEUM. **Psalm. ibid.** Benedicite ómnia ópera Dómini Dómino: laudate & superexaltate eum in sæcula.

ŷ. Glória Patri. **Oratio.**

DEUS, cujus virtúte beátus Erásmus Martyr & Póntifex, multa tormentórum génera superávit: fac nos, quæsumus, ejus intercessióne, univérsas insídias inimicórum nostrórum

rum visibílium & invisibílium cum gáudio superáre, & in Christo bonis opéribus abundáre. Per Dóminum.

Lectio Epístolæ beati Pauli Apóstoli ad Corinthios. **2. Cor. 1.**

FRatres, Benedíctus DEUS & Pater Dómini nostri JESU Christi, Pater misericordiárum, & DEUS totius consolatiónis, qui consolátur nos in omni tribulatióne nostra: ut possimus & ipsi consolári eos, qui in omni pressúra sunt, per exhortatióem, qua exhortámur & ipsi à DEO. Quóniam sicut abundant passiones Christi in nobis: ita & per Christum abundat consolatio nostra. Sive autem tribulamur pro vestra exhortatióne & salúte, sive consolámur pro vestra consolatióne, sive exhortámur pro vestra exhortatióne & salúte, quæ operáitur tolerántiam earúmdem passiónum, quas & nos pátimur: ut spes nostra firma sit pro vobis: sciéntes, quòd, sicut sócii passiónum estis, sic éritis & consolatiónis: in Christo JESU Dómino nostro.

Graduale. Psal. 8. Glória & honóre coronásti eum. **ψ.** Et constituísti eum super ópera mánuum tuárum, Dómine. **A**llelúja, allelúja. **ψ.** Hic est Sacérdos, quem coronávit Dóminus. Allelúja.

Sequéntia sancti Evangélii secúndum Matthæum. **Matth. 16. d**

In illo témpore: Dixit JESUS discipulis suis: Si quis vult post me venire, abneget semetípsam, & tollat crucem suam, & sequátur me. Qui enim volúerit ánimam suam salvam fácere, perdet eam. Qui autem perdiderit ánimam suam propter me, invéniet eam. Quid enim prodest hómini, si mundum univérsum lucrétur, ánimæ verò suæ detriméntum pat. átur? Aut quam dabit homo commutatióem pro ánima sua? Fílius enim hóminis ventúrus est in glória Patris sui cum

Angelis suis: & tunc reddet unicuíque secúndum ópera ejus.

Offertorium. Psal. 88. Inveni David servum meum, óleo sancto meo unxi eum: manus enim mea auxiliábitur ei, & bráchium meum confortábit eum. **Secreta.**

Munera tibi Dómine dicata sanctifica: & intercedente beato Erasmo mártire tuo atque Pontífice, per eadem nos placatus inténde. Per Dóminum nostrum.

Communio. Psal. 20. Posuísti Dómine in cápite ejus corónam de lapide pretiósó. **Postcommunio.**

Refécti participatióne múnere sacri, quæsumus Dómine DEUS noster: ut cujus exéquimur cultum, intercedente beato Erasmo mártire tuo atque Pontífice, sentiamus effectum. Per Dóminum nostrum.

F E S T A J U L I I.

Die xiii. Julii.

I N F E S T O

S. MARGARITÆ VIRGINIS & MARTYRIS

Missa. Me expectaverunt. de Comuni Virginum & Martyrum. fol. xxvi.

Die xv. Julii.

I N F E S T O

Divisionis Sanctorum Apostolorum.

Introitus. Psal. 138.



Mihi autem nimis honoráti sunt amici tui DEUS: nimis confortátus est principátus eórum. **Psal. ibid.** Dómine probásti me, & cognovísti me: tu cognovísti sessióem meam, & resurrectióem meam. **ψ.** Glória Patri.

Oratio.

DEUS, qui Ecclésiám tuam distribútam per orbem terrárum, sanctorum Apostolorum prædicatió-

ne fundasti: concede propitius, ut quorum hodierna die sub una celebritate recolimus insignia, eorum in cunctis necessitatibus nostris experiamur suffragia. Per Dominum.

Lectio Epistolae beati Pauli Apostoli ad Ephesios. **Ephes. 2. d**

Fratres, Jam non estis hospites, & advenae: sed estis cives sanctorum, & Domestici Dei: superaedificati super fundamentum Apostolorum, & Prophetarum, ipso summo angulari lapide Christo Jesu: in quo omnis aedificatio constructa crescit in templum sanctum in Domino, in quo & vos coaedificamini in habitaculum Dei in Spiritu sancto.

Graduale. Psalm. 44. Constitues eos principes super omnem terram: memores erunt nominis tui Domine.

Ps. Pro patribus tuis nati sunt tibi filii: propterea populi confitebuntur tibi.

Alleluja, alleluja.

Ps. Joan. 15. Ego vos elegeri de mundo, ut eatis, & fructum afferatis: & fructus vester maneat. **Alleluja.**

Sequentia sancti Evangelii secundum Lucam. **Lucæ 9.**

In illo tempore: Convocatis Jesus duodecim Apostolis, dedit illis virtutem & potestatem super omnia demonia, & ut languores curarent. Et misit illos predicare regnum Dei, & sanare infirmos. Et ait ad illos: Nihil tulertis in via, neque virgam, neque peram, neque panem, neque pecuniam, neque duas tunicas habeatis. Et in quamcumque domum intraveritis, ibi manete, & inde ne exeatis. Et quicumque non receperint vos: exeuntes de civitate illa etiam pulverem pedum vestrorum excutite in testimonium supra illos. Egressi autem circuibant per castella evangelizantes & curantes ubique.

Credo.

Offertorium. Psal. 13. In omnem terram exivit sonus eorum: & in fines orbis terrae verba eorum.

Secreta.

Gloriam, Domine, Sanctorum Apostolorum tuorum perpetuam in eorum divisione recensentes, quaesumus, ut eam sacris mysteriis expiati, dignius celebremus. Per Dominum nostrum.

Præfatio de Apostolis.

Communio. Matth. 19. Vos qui secuti estis me, sedebitis super sedes, iudicantes duodecim tribus Israel.

Postcommunio.

Preceptis Domine Sacramentis suppliciter exoramus: ut intercedentibus beatis Apostolis tuis, quae pro illorum veneranda gerimus commemoratione, nobis proficiant ad medellam. Per Dominum.

Die xxiv. Julii.

IN FESTO S. CHRISTINÆ VIRGINIS & Martyris, Missa. Me expectaverunt. de Communi Virginum & Martyrum. fol. xxvi.

Et fit commemoratio Vigiliæ sancti Jacobi, nisi sit Patrona, vel Titularis Ecclesiæ.

F E S T A A U G U S T I

Die xxvi. Augusti.

I N F E S T O

Sancti Hyacinthi Confessoris.

Introitus. Psal. 36.



S justi meditabitur sapientiam, & lingua ejus loquetur iudicium: lex Dei ejus in corde ipsius. **Psal. ibid.** Noli æmulari in malignantibus: neque zelaveris facientes iniquitatem.

Ps. Gloria Patri. **Oratio.**

Adesto Domine supplicationibus nostris, quas in beati Hyacinthi

Confessoris tui solemnitate deferimus: ut, qui nostrae justitiae fiduciam non habemus, ejus, qui tibi placuit, precibus adjuvemur. Per Dominum.

Vel Oratio.

DEUS, qui beatum Hyacinthum Confessorem tuum, in diversis nationum populis operum sanctitate, & miraculorum gloria fecisti conspicuum: da nobis, ut suis in melius reformemur exemplis, & in adversis protegámur auxiliis. Per Dominum.

Secunda Oratio de Octava Assumptionis B. Mariæ. Famulorum tuorum.

Tertia Oratio, de Octava S. Laurentii. Da nobis.

Lectio Epistolæ beati Pauli Apostoli ad Corinthios. *1. Cor. 4. b*

FRatres: Spectaculum facti sumus mundo, & Angelis, & hominibus. Nos stulti propter Christum, vos autem prudentes in Christo: nos infirmi, vos autem fortes: vos nobiles, nos autem ignobiles. Usque in hanc horam & esurimus, & sitimus, & nudi sumus, & colaphis cedimur, & instabiles sumus, & laboramus operantes manibus nostris: maledicimur, & benedicimus: persecutionem patimur, & sustinemus: blasphemamur & obsecramus: tamquam purgamenta hujus mundi facti sumus, omnium peripséma usque adhuc. Non ut confundam vos, hæc scribo, sed ut filios meos charissimos moneo. In Christo Jesu Domino nostro.

Graduale. Psal. 91. Justus ut palma florébit: sicut cedrus Libani multiplicabitur in domo Domini.

Y. Ad annuntiandum manè misericordiam tuam, & veritatem tuam per noctem. Allelúja, allelúja.

Y. Jac. 1. Beatus vir, qui suffert tentationem: quoniam cum probatus fuerit, accipiet coronam vitæ. Allelúja.

Sequentia sancti Evangelii secundum Lucam. *Luca 12. e*

IN illo tempore: Dixit Jesus discipulis suis: Sint lumbi vestri præcincti, & lucernæ ardentes in manibus vestris, & vos similes hominibus expectantibus dominum suum quando revertatur à nuptiis; ut cum venerit, & pulsaverit, confestim aperiant ei. Beati servi illi, quos cum venerit dominus, invenerit vigilantes: amen dico vobis, quod præcinget se, & faciet illos discumbere, & transiens ministrabit illis. Et si venerit in secunda vigilia, & si in tertia vigilia venerit, & ita invenerit, beati sunt servi illi. Hoc autem scitote, quoniam si sciret paterfamilias, qua hora fur veniret, vigilaret utique, & non sineret perfodi domum suam. Et vos estote parati: quia qua hora non putatis, Filius hominis veniet.

Offertorium. Veritas mea, & misericordia mea cum ipso: & in nomine meo exaltabitur cornu ejus.

Secreta.

PRæsta nobis, quæsumus omnipotens DEUS: ut nostræ humilitatis oblatio, & pro tuorum tibi grata sit honore Sanctorum, & nos corpore pariter & mente purificet. Per Dominum nostrum JESUM Christum Filium tuum.

Communio. Matth. 24. Beatus servus, quem, cum venerit Dominus, invenerit vigilantem: amen dico vobis, super omnia bona sua constituet eum.

Postcommunio.

QUæsumus omnipotens DEUS: ut, qui cœlestia alimenta percipimus, intercedente beato Hyacintho Confessore tuo, per hæc contra omnia adversa muniamur. Per Dominum nostrum JESUM Christum Filium tuum: Qui tecum vivit & regnat in unitate Spiritus sancti DEUS.

Die xix. Augusti.

I N F E S T O

S. Benignæ Virginis & Martyris.

Introitus. Psal. 118.



Loquebar in testimoniis tuis in conspectu regum, & non confundabar: & meditabar in mandatis tuis, quæ dilexi nimis. **Psal. ibid.** Beati immaculati in via: qui ambulat in lege Domini. **ψ.** Gloria Patri. **Oratio.**

DEUS, qui inter cætera potentia tuæ miracula, etiam in sexu fragili victoriam martyrii contulisti: concede propitius; ut, qui beatæ Benignæ virginis & martyris tuæ natalitia colimus, per ejus ad te exempla gradiamur. Per Dominum.

Epistola. Confitebor tibi Domine Rex. **de Comuni Virginis & Martyris.** fol. xxv.

Graduale. Psal. 45. Adjuvabit eam DEUS vultu suo: DEUS in medio ejus, non commovebitur. **ψ.** Fluminis impetus lætificat civitatem DEI: sanctificavit tabernaculum suum Altissimus. **Allelúja, allelúja.** **ψ.** Psal. 44. Adducuntur Regi virgines post eam, proxima ejus afferentur tibi in lætitia. **Allelúja.**

Evangelium. Simile erit regnum coelorum decem Virginibus. **de Comuni Virginis & Martyris.** fol. xxv.

Offertorium. **ibid.** Diffusa est gratia in labiis tuis, propterea benedixit te DEUS in æternum, & in sæculum sæculi. **Secreta.**

Suscipe Domine mûnera, quæ in beatæ Benignæ virginis & martyris tuæ solemnitate deferimus, cujus nos confidimus patrocinio liberari. Per Dominum nostrum.

Communio. Matth. 25. Quinque prudentes virgines acceperunt oleum in vasis suis cum lampadibus: media

autem nocte clamor factus est, ecce sponsus venit, exite obviam Christo Domino. **Postcommunio.**

Auxilientur nobis, Domine, sumpta mysteria: & intercedente beatâ Benignâ Virgine & Martyre tua, sempiterna faciant protectione gaudere. Per Dominum.

Die xxix. Augusti.

I N F E S T O

Sanctæ Sabinæ Martyris.

Introitus. Psal. 118.



ME expectaverunt peccatores, ut perderent me: testimonia tua Domine intellexi, omnis consummationis vidi finem: latum mandatum tuum nimis.

Psal. ibid. Beati immaculati in via: qui ambulat in lege Domini. **ψ.** Gloria Patri. **Oratio.**

DEUS, qui inter cætera potentia tuæ miracula, etiam in sexu fragili victoriam martyrii contulisti: concede propitius; ut, qui beatæ Sabinæ martyris tuæ natalitia colimus, per ejus ad te exempla gradiamur. Per Dominum nostrum.

Epistola. Confitebor tibi Domine Rex. **ut in Comuni Martyris non Virginis.** fol. xxxi.

Graduale. Psal. 44. Dilexisti justitiam, & odisti iniquitatem. **ψ.** Propterea unxit te DEUS, DEUS tuus, oleo lætitiæ. **Allelúja, allelúja.**

ψ. Specie tua, & pulchritudine tua, intende, prospere procede, & regna. **Allelúja.**

Evangelium. Simile est regnum coelorum thesauro abscondito in agro. **de eodem Comuni.** fol. xxxi.

Offertorium. Diffusa est gratia in labiis tuis, propterea benedixit te DEUS in æternum, & in sæculum sæculi, allelúja.

Secreta.

Hostias tibi, Dómine, beátæ Sabinæ mártiris tuæ dicátas méritis, benignus asúme: & ad perpétuum nobis tribue provenire subsidiúm. Per Dñm.

Communio. Psal. 118. Príncipes persecúti sunt me gratis, & à verbis tuis formidávit cor meum: lætabor ego super elóquia tua, quasi qui invénit spólia multa.

Postcommunio.


Divini múnere largitáte satiáti, quæsumus Dómine DEUS noster: ut intercedente beáta Sábina mártire tua, in ejus semper participatióne vivámus. Per Dóminum.

FESTA SEPTEMBRIS.

Die x. Septembris.

I N F E S T O**Sancti Dalmatii Martyris.****Introitus.** Psal. 20.

In virtúte tua, Dómine, lætábitur justus: & super salutáre tuum exultábit vehementer: desiderium animæ ejus tribuisti ei. **Psal. ibid.** Quóniam præveniisti eum in benedictiónibus dulcedinis: posuisti in cápite ejus coronam de lapide pretiósó.


Glória Patri.

Oratio.

Omnipotens sempitérne DEUS, fidelium tuórum indeficiens conservátor, qui gloriósi mártiris tui Dalmatii clarificáre dignátus es solemnitétem: exáudi preces supplicántis Ecclesiæ, & præsta, ut, quæ devótè expe- tit, eo suffragánte cónsequi mereátur. Per Dóminum nostrum JESUM Christum Fílium tuum.

Epistola. Memor esto Dóminum JESUM Christum. **de Comuni unius Martyris.** fol v.

Graduale. Psal. 20. Glória & honóre coronásti eum. **Et constituí-**

Pol.

sti eum super ópera mánuum tuárum, Dómine. **Allelúja, allelúja.**

Y. Joan. 8. Qui séquitur me, non ambulat in ténebris, sed habébit lumen vitæ æternæ. **Allelúja.**

Evangelium. Si quis vult post me venire. **de Comuni unius Martyris Pontificis.** fol. iii.

Offertorium. Psal. 20. In virtúte tua Dómine lætábitur justus, & super salutáre tuum exultábit vehementer: desiderium animæ ejus tribuisti ei.

Secreta.

Munéribus nostris, quæsumus Dómine, precibusque susceptis: & coeléstibus nos munda mystériis, & cleméner exáudi. Per Dóminum.

Communio. Matth. 16. Qui vult venire post me, abneget semetipsum: & tollat crucem suam, & sequátur me.

Postcommunio.


Refécti participatióne múnere sacri, quæsumus Dómine DEUS noster: ut cujus exequimur cultum, intercedente beáto Dalmatio mártire tuo, sentiámus efféctum. Per Dñm.

Die xxv. Septembris.

I N F E S T O**S. Tyrsi Martyris.****Introitus.** Psalm. 63.

Lætábitur justus in Dómino, & sperábit in eo: & laudabúntur omnes recti corde.

Psal. ibid. Exáudi DEUS orationem meam, cum deprecor: à timóre inimíci éripe animam meam.


Glória Patri.

Oratio.

Omnipotens sempitérne DEUS, qui beátum Tyrsum pro confessióne nóminis tui fortem in certámine fecísti, & eum per martyrii palmam sanctis tuis in coelis sociásti: præsta quæsumus, ut, qui martyrii sui diem ánnua devotióne recólimus, ipsius intercessióne in confessióne fidei simus

stábiles, & in bonis opéribus effícaes.
Per Dóminum nostrum.

Epístola. Omne gáudium existi-
máte. *de Comuni unius Martyris.*
fol. vi.

Graduale. Psal. 36. Justus cùm ce-
ciderit, non collidétur: quia Dómi-
nus supponit manum suam. *ψ.* Tota
die miserétur, & cómmodat: & fe-
men ejus in benedictióne erit. Alle-
lúja, allelúja. *ψ.* Posuísti Dómine su-
per caput ejus corónam de lápide pre-
tíoso. Allelúja.

Evangelium. Nihil est opértum
quòd non revelábitur. *de Comuni
unius Martyris.* fol. vi.

Offertorium. Psal. 8. Glória & ho-
nóre coronásti eum: & constituísti
eum super ópera mánuum tuárum,
Dómine. **Secreta.**

Accépta sit in conspéctu tuo, Dó-
mine, nostra devótio: & ejus
nobis fiat supplicatióne salutáris, pro
cujus solemnitáte defértur. Per Dñm.

Communio. Joan. 12. Qui mihi
ministrat, me sequátur: & ubi sum
ego, illic & míster meus erit.

Postcommunio.

DA, quæsumus Dómine DEUS no-
ster: ut sicut tuórum comme-
moratióne Sanctórum, temporáli gra-
tulámur officio; ita perpétuo læté-
mur aspéctu. Per Dóminum.

Die xxvii. Septembris.

I N F E S T O

**Translationis S. Stanislai Episcopi &
Martyris.**

Introitus. Eccl. 45.



Tátuit ei Dóminus testa-
méntum pacis: & prín-
cipem fecit eum: ut sit
illi sacerdotii dignitas in
æternum.

Psal. 131. Méménto Dómine Da-
vid: & omnis mansuetúdinis ejus.

ψ. Glória Patri.

Oratio.

DEUS, pro cujus honóre gloriósus
Póntifex Stanisláus gládiis im-
piórum occúbuit: præsta quæsumus;
ut omnes, qui ejus implórant auxí-
lium, petitiónis suæ salutárem conse-
quántur efféctum. Per Dóminum.

Léctio Epístolæ beáti Pauli Apóstoli
ad Hebræos. **Heb. 5.**

FRatres, Omnis Póntifex ex homí-
nibus assúptus pro homínibus
constitúitur in iis, quæ sunt ad DEUM, ut
ófferat dona, & sacrificia pro peccátis:
qui condolére possit iis, qui ignórant,
& errant: quóniam & ipse circúmda-
tus est infirmitáte: & propterea de-
bet, quemádmódum pro pópulo, ita
étiam & pro semetípso offerre pro
peccátis. Nec quisquam sumit sibi ho-
nórem, sed qui vocátur à DEO tam-
quam Aaron. Sic & Christus non se-
metípsum clarificávit, ut Póntifex fie-
ret: sed qui locútus est ad eum: Fí-
lius meus es tu, ego hódie genui te.
Quemádmódum & in álio loco dicitur:
Tu es Sacerdos in ætérnum, se-
cúndum órđinem Melchisedech.

Graduale. Eccl. 44. Ecce Sacerdos
magnus qui in diébus suis plácuít DEO.
ψ. Non est invéntus similis illi, qui
conserváret legem Excélsi.

Allelúja, allelúja. *ψ.* Joan. 10. Ego
sum pastor bonus: & cognóscó oves
meas: & cognóscunt me meæ.
Allelúja.

Sequéntia sancti Evangélii secúndum
Joánnem. **Joan. 10.**

IN illo témpore: Dixit JESUS Phari-
sæis: Ego sum pastor bonus. Bo-
nus pastor ánimam suam dat pro óvi-
bus suis. Mercenárius autem, & qui
non est pastor, cujus non sunt oves
própriæ, videt lupum veniéntem, &
dimittit oves, & fugit: & lupus rapit,
& dispérgit oves: mercenárius autem
fugit, quia mercenárius est, & non
pértinet ad eum de óvibus. Ego sum

paitor

pastor bonus: & cognosco meas, & cognoscunt me meæ. Sicut novit me Pater, & ego agnosco Patrem: & animam meam pono pro ovibus meis. Et alias oves habeo, quæ non sunt ex hoc ovili: & illas oportet me adducere, & vocem meam audient, & fiet unum ovile, & unus Pastor. **Credo.**

Offertorium. Psalm. 20. Posuisti Domine in capite ejus coronam de lapide pretioso: vitam petiit à te, & tribuisti ei. Allelúja.

Secreta.

MUnera tibi Domine dicata sanctifica: & intercedente beato Stanislao martyre tuo atque Pontifice, per eadem nos placatus intende. Per Dominum nostrum.

Communio. Joan. 10. Ego sum Pastor bonus, allelúja: & cognosco oves meas, & cognoscunt me meæ, allelúja, allelúja.

Postcommunio.

Hæc nos communitio, Domine, purget à crimine: & intercedente beato Stanislao martyre tuo atque Pontifice, cœlestis remedii faciat esse consortes. Per Dominum.

Die xxviii. Septembris.

I N F E S T O

Sancti Wenceslai Martyris.

Introitus. Psalm. 63.



Etabitur justus in Domino, & sperabit in eo: & laudabuntur omnes recti corde.

Psalm. ibid. Exaudi Deus orationem meam cum deprecor: à timore inimici eripe animam meam.

Glória Patri. Oratio.

DEUS, qui beati Wenceslai nobilitatem in meliorem mutasti dignitatem, & eum per Martyrii palmam ad cœlestem perduxisti gloriam: ejus precibus nos, quæsumus, ab omni adversitate libera, & æternæ beati-

tudinis concede perfrui gloria. Per Dominum nostrum.

Lectio Epistolæ beati Petri Apostoli.

1. Pet. 4. c

Charissimi, Communicantes Christi passionibus gaudete, ut & in revelatione gloriæ ejus gaudeatis exultantes. Si exprobramini in nomine Christi, beati eritis: quoniam quod est honoris, gloriæ, & virtutis DEI, & qui est ejus Spiritus, super vos requiescit. Nemo autem vestrum patiatur ut homicida, aut fur, aut maledicus, aut alienorum appetitor. Si autem ut Christianus, non erubescat: glorificet autem DEUM in isto nomine. Quoniam tempus est, ut incipiat judicium à domo DEI. Si autem primum à nobis: qui finis eorum, qui non credunt DEI Evangelio? Et si justus vix salvabitur, impius & peccator ubi parabunt? Itaque & hi, qui patiuntur secundum voluntatem DEI, fidelium Creatori commendent animas suas in beneficiis.

Graduale. Psalm. 66. Justus cum ceciderit, non collidetur: quia Dominus supponit manum suam. **Ps.** Tota die miseretur, & commodat: & semen ejus in benedictione erit.

Allelúja, allelúja. Ps. Qui sequitur me, non ambulat in tenebris: sed habebit lumen vitæ æternæ. Allelúja.

Sequentia sancti Evangelii secundum Matthæum. Matth. 16. d

In illo tempore: Dixit Jesus discipulis suis: Si quis vult post me venire, abneget semetipsum, & tollat crucem suam, & sequatur me. Qui enim voluerit animam suam salvam facere, perdet eam. Qui autem perdidit animam suam propter me, inveniet eam. Quid enim prodest homini, si mundum universum lucratur, animæ verò suæ detrimentum patiatur? Aut quam dabit homo commutationem pro anima sua? Filius enim hó-

minis venturus est in gloria Patris sui cum Angelis suis: & tunc reddet unicuique secundum opera eius.

Credo.

Offertorium. Psalm. 20. Posuisti Domine super caput eius coronam de lapide pretioso: vitam petiit a te, & tribuisti ei. **Secreta.**

Accepta sit in conspectu tuo, Domine, nostra devotio: & ejus nobis fiat supplicatione salutaris, pro cuius solemnitate defertur. Per Dominum nostrum.

Communio. Joan. 12. Qui mihi ministrat, me sequatur: & ubi sum ego, illic & minister meus erit.

Postcommunio.

Refecti participatione muneris sacri, quaesumus Domine Deus noster: ut cuius exequimur cultum, intercedente beato Wenceslao martyre tuo, sentiamus effectum. Per Dominum nostrum.

FFSTA OCTOBRIS.

Die x. Octobris.

IN F E S T O

S. Gereonis & Sociorum Martyrum.

Introitus. Psalm. 33.



Lamaverunt iusti, & Dominus exaudivit eos: & ex omnibus tribulationibus eorum liberavit eum.

Psalm. ibid. Benedicam Dominum in omni tempore: semper laus ejus in ore meo. **Ps.** Gloria Patri.

Oratio.

DEUS, qui hunc diem martyrum tuorum Gereonis sociorumque ejus passione consecrasti: praesta quaesumus; ut eorum suffragia apud te sentiamus in caelis, quorum hic solemniter pio amore veneramur in terris. Per Dominum nostrum JESUM Christum Filium tuum.

Lectio libri Apocalypsis beati Joannis Apostoli. **Apoc. 7. c**

In diebus illis: Respondit unus de senioribus, & dixit mihi: Hi, qui amicti sunt stolis albis, qui sunt? & unde venerunt? Et dixi illi: Domine mi, tu scis. Et dixit mihi: Hi sunt, qui venerunt de tribulatione magna, & laverunt stolas suas, & dealbaverunt eas in sanguine Agni. Ideo sunt ante thronum DEI, & serviunt ei die ac nocte in templo ejus: & qui sedet in throno, habitabit super illos. Non esurient, neque sitient amplius, nec cadet super illos sol, neque ullus aestus: quoniam Agnus, qui in medio throni est, reget illos, & deducet eos ad vitae fontes aquarum, & absterget Deus omnem lacrymam ab oculis eorum.

Graduale. Psalm. 78. Vindica Domine sanguinem sanctorum tuorum, qui effusus est. **Ps.** Posuerunt mortalia servorum tuorum Domine, escas volatilibus caeli: carnes sanctorum tuorum bestiis terrae. **Alleluja, alleluja.**

Psalm. 67. Justi epulentur, & exultent in conspectu DEI: & delectentur in laetitia. **Alleluja.**

Sequentia sancti Evangelii secundum Lucam. **Lucæ 6. c**

In illo tempore: Descendens Jesus de monte, stetit in loco campetri, & turba discipulorum ejus, & multitudo copiosa plebis ab omni Judaea, & Jerusalem, & maritima, & Tyri, & Sydonis, qui venerant ut audirent eum, & sanarentur a languoribus suis. Et qui vexabantur a spiritibus immundis, curabantur. Et omnis turba quaerebat eum tangere: quia virtus de illo exibat, & sanabat omnes. Et ipse elevatis oculis in discipulos suos, dicebat: Beati pauperes: quia vestrum est regnum DEI. Beati, qui nunc esuritis: quia saturabimini. Beati, qui nunc fletis: quia ridebitis. Beati eritis cum vos oderint homines, & cum separave-

rint vos, & exprobraverint, & ejectionem nomen vestrum tamquam malum, propter Filium hominis. Gaudete in illa die, & exultate: ecce enim merces vestra, multa est in caelis.

Offertorium. Psalm. 149. Exultabunt sancti in gloria, lætabuntur in cubilibus suis: exaltationes Dei in faucibus eorum, alleluja. **Secreta.**

Munera tibi, Domine, nostræ devotionis offerimus: quæ & pro tuorum tibi grata sint honore justorum, & nobis salutaria, te miserante, reddantur. Per Dominum.

Communio. Psal. 78. Posuerunt mortalia servorum tuorum Domine escas volatilibus caeli: carnes sanctorum tuorum bestiis terræ: secundum magnitudinem brachii tui posside filios morte punitorum.

Postcommunio.

DEUS, qui nos & caelestibus pascere sacramentis, & sanctorum Martyrum tuorum Gereonis sociorumque ejus non desinis fovere suffragiis: præsta quæsumus; ut, quod illis ad gloriam contulisti, ad nostræ proficit fragilitatis auxilium. Per Dominum.

Die xv. Octobris.

I N F E S T O

Sancti Hedwigis Viduæ.

Introitus.



GAudeamus omnes in Domino, diem festum celebrantes sub honore beatæ Hedwigis: de cujus solemnitate gaudent Angeli, & collaudant Filium Dei.

Psal. 44. Eructavit cor meum verbum bonum: dico ego opera mea Regi.

Glória Patri. Oratio.

DEUS gratiæ dator & gloriæ tuæ nobis propitius sensum pietatis aperi, & præsta: ut, qui manentem civitatem hinc non habemus, ad futu-

ram quam quærimus beatæ Hedwigis interveniente suffragio, perducamur. Per Dominum nostrum.

Lectio libri Sapiëntiæ. Prov. 13.

Mulierem fortem quis inveniet? procul, & de ultimis finibus pretium ejus. Confidit in ea cor viri sui, & spoliis non indigebit. Reddet ei bonum, & non malum, omnibus diebus vitæ suæ. Quæsit lanam & linum, & operata est consilio manuum suarum. Facta est quasi navis institoris, de longè portans panem suum. Et de nocte surrexit, deditque prædam domesticis suis, & cibaria ancillis suis. Consideravit agrum, & emit eum: de fructu manuum suarum plantavit vineam. Accinxit fortitudine lumbos suos, & roboravit brachium suum. Gustavit & vidit quia bona est negotiatio ejus: non extinguetur in nocte lucerna ejus. Manum suam misit ad fortia, & digiti ejus apprehenderunt fufum. Manum suam aperuit inopi, & palmas suas extendit ad pauperem. Non timebit domui suæ à frigoribus nivis: omnes enim domestici ejus vestiti sunt duplicibus. Stragulatam vestem fecit sibi: byssus, & purpura indumentum ejus. Nobilis in portis vir ejus, quando sederit cum senatoribus terræ. Sindonem fecit, & vendidit, & cingulum tradidit Chanaanæo. Fortitudo & decor indumentum ejus, & ridebit in die novissimo. Os suum aperuit sapiëntiæ: & lex clemëntiæ in lingua ejus. Consideravit semitas domus suæ, & panem otiosa non comedit. Surrexerunt filii ejus, & beatissimam prædicaverunt, vir ejus, & laudavit eam. Multæ filiæ congregaverunt divitias: tu supergressa es universas. Fallax gratia, & vana est pulchritudo: mulier timens Dominum, ipsa laudabitur. Date ei de fructu manuum suarum: & laudent eam in portis opera ejus.

Graduale. Psal. 44. Diffusa est gratia in labiis tuis: propterea benedixit te DEUS in ætænum. *Ꝙ.* Propter veritatem, & mansuetudinem, & iustitiam: & deducet te mirabiliter dextera tua. Allelúja, allelúja.

Ꝙ. ibid. Spécie tua, & pulchritudine tua, inténde, prospère procéde, & regna. Allelúja.

Sequéntia sancti Evangélii secúndum Matthæum. **Matth. 13. f**

In illo témpore: Dixit JESUS discipulis suis parabolam hanc: Simile est regnum coelórum thesauro abscondito in agro, quem qui invenit homo abscondit, & præ gáudio illius vadit, & vendit univérfa, quæ habet, & emit agrum illum. Iterum simile est regnum coelórum hómini negotiátóri quærénti bonas margarítas. Inventa autem una pretiósa margaríta, ábiit, & vendidit ómnia, quæ hábuit, & emit eam. Iterum simile est regnum coelórum fagénæ missæ in mare, & ex omni génere píscium congregánti. Quam, cum impléta esset, educétes, & secus littus sedétes, elegérunt bonos in vasa, malos autem foras misérunt. Sic erit in consummatione sæculi: exhibunt Angeli, & separábunt malos de médio justórum, & mittent eos in caminum ignis: ibi erit fletus, & stridor déntium. Intellexístis hæc ómnia? Dicunt ei: Etiam. Ait illis: Ideò omnis scriba doctus in regno coelórum, similis est hómini patrifamílias, qui profert de thesauro suo nova & vétera. **Credo.**

Offertorium. Psalm. 44. Fíliæ regum in honóre tuo, ástitit regína à dextris tuis in vestitu deauráto, circumdata varietáte. **Secreta.**

Accépta tibi sit, Dómine, sacrátæ plebis oblátio, pro tuórum honóre Sanctórum: quorum se méritis de tribulatione percepisse cognóscit auxiliúm. Per Dóminum.

Communio. ibid. Diffusa est gratia in labiis tuis, propterea benedixit te DEUS in ætænum.

Postcommunio.

Sumpta, quæsumus omnipotens DEUS, hóstia salutáris ab advérsis nos ómnibus tueátur incúrribus: & post hujus labóres exílii, beátæ Hedwigis interveniéntibus méritis, ducat ad réquiem opuléntam. Per Dóminum nostrum.

Die xx. Octobris.

I N F E S T O

Translationis S. Adalberti Episcopi & Martyris.

Introitus. Eccli. 45.



Tátuit ei Dóminus testaméntum pacis, & príncipem fecit eum: ut sit illi sacerdotii dignitas in ætænum.

Psal. 131. Meménto Dómine David, & omnis mansuetúdinis ejus.

Ꝙ. Glória Patri. **Oratio.**

Tuam nobis indulgéntiam, quæsumus Dómine, beátus Adalbértus Episcopus & Martyr implóret: ut & delícta nobis cleméter ignóscas, & beneficia desideráta concédas. Per Dóminum nostrum.

Léctio Epístolæ beáti Pauli Apóstoli ad Corinthios. 2. Cor. 1.

Fratres, Benedíctus DEUS & Pater Dómini nostri JESU Christi, Pater misericordiárum, & DEUS totius consolatiónis, qui consolátur nos in omni tribulatione nostra: ut possimus & ipsi consolári eos, qui in omni pressúra sunt, per exhortatióem, qua exhortámur & ipsi à DEO. Quóniam sicut abúndant passióes Christi in nobis: ita & per Christum abúndat consolátio nostra. Sive autem tribulámur pro vestra exhortatióem & salúte, sive consolámur pro vestra consolatióem, sive exhortámur pro vestra exhortatióem

tióne & salúte, quæ operátur tolerántiam earúmdem passiónum, quas & nos pátimur: ut spes nostra firma sit pro vobis: sciéntes, quòd, sicut sócii passiónum estis, sic éritis & consolatiónis: in Christo JESU Dómino nostro.

Graduale. Psalm. 88. Inveni David servum meum, óleo sancto meo unxi eum: manus enim mea auxiliábitur ei, & bráchium meum confortábit eum. *ŷ.* Nihil proficiet inimicus in eo, & filius iniquitátis non nocébit ei. **Allelúja, allelúja.**

ŷ. **Psalm. 109.** Tu es Sacerdos in ætérnum, secúndum órđinem Melchisedech. **Allelúja.**

Sequéntia sancti Evangélii secúndum Lucam. Lucæ 24.

In illo tempore: Dixit JESUS turbis: Si quis venit ad me, & non odit patrem suum, & matrem, & uxórem, & filios, & fratres, & soróres, adhuc autem & ánimam suam, non potest meus esse discipulus. Et qui non bájulat crucem suam, & venit post me, non potest meus esse discipulus. Quis enim ex vobis volens turrim ædificáre, non prius sedens cómputat sumptus, qui necesárii sunt, si hábeat ad perficiéndum: ne, posteaquam posúerit fundaméntum, & non potúerit perficere, omnes qui vident, incípiant illúdere ei, dicéntes: Quia hic homo coepit ædificáre, & non pótuit consummáre? Aut quis rex itúrus committere bellum advérsus álium regem, non sedens prius cógitat, si possit cum decem míllibus occúrrere ei, qui cum viginti míllibus venit ad se? alióquin, adhuc illo longè agente, legatiónem mittens, rogat ea quæ pacis sunt. Sic ergo omnis ex vobis, qui non renúnciat ómnibus quæ póstidet, non potest meus esse discipulus. **Credo.**

Offertorium. Psalm. 20. Posuisti Dómine in cápite ejus corónam de lá-

pide pretiósó: vitam pétiit à te, & tribuisti ei. **Allelúja.**

Secreta.

Sacrificium exhibítum, quæsumus Dómine, benígnus asúme: ut, quod nómini tuo in solemnitáte (vel commemoratióne) beáti Adalbéti Mátyris tui atque Pontíficis deférimus, nobis profit ad véniam. Per Dóminum nostrum.

Communio. Psal. 88. Semel jurávi in sancto meo: semen ejus in ætérnum manébit: & sedes ejus sicut sol in conspéctu meo, & sicut luna perfécta in ætérnum: & testis in cœlo fidélis.

Postcommunio.

Refécti Dómine munéribus sacris, súpplices te deprecámur; ut indulgéntiam tuam nobis intercessió beáti Adalbéti Mátyris tui atque Pontíficis semper implóret. Per Dóminum nostrum.

Die xxi. Octobris.

I N F E S T O

Sanctæ Ursulæ & Sociarum.

Introitus.



Audeámus omnes in Dómino, diem festum celebrántes sub honóre úndecim míllium Vírginum: de quarum passione gaudent Angeli, & colláudant Fílium DEI. **Psal. 32.** Exultáte justi in Dómino: rectos decet collaudátio.

ŷ. **Glória Patri.**

Oratio.

DA nobis, quæsumus Dómine DEUS noster, sanctárum Vírginum & Mátyrum tuárum Ursulæ & sociárum ejus palmas, incessabili devotióne venerári: ut quas digna mente non póssumus celebráre, humílibus saltem frequentémus obséquiis. Per Dóminum nostrum JESUM Christum Fílium tuum,

**Pro commemoratione sancti Hilari-
onis Abbatis. Oratio.**

Intercéssio nos, quæsumus Dómine,
beáti Hilariónis Abbátis commén-
det: ut, quod nostris méritis non va-
lémus, ejus patrocínio assequámur.
Per Dóminum nostrum JESUM Chri-
stum Fílium tuum.

Lectio Epístolæ beáti Pauli Apóstoli
ad Corínthios. **1. Cor. 7. c**

FRatres, De virgínibus præceptum
Dómini non hábeo: consílium
autem do, tamquam misericórdiam
consecútus à Dómino, ut sim fidé-
lis. Existimo ergo hoc bonum esse pro-
pter instántem necessitátem, quóniam
bonum est hómini sic esse. Alligátus
es uxóri? noli quærere solutió-
nem. Solútus es ab uxóre? noli quærere
uxórem. Si autem accéperis uxórem,
non peccásti. Et si núpserit virgo, non
peccávit. Tribulatió-
nem tamen car-
nis habébunt hujúsmo-
di. Ego autem
vobis parco. Hoc itaque dico, fratres:
Tempus breve est: réliquum est, ut
& qui habent uxóres, tamquam non
habéntes sint: & qui flent, tamquam
non flentes: & qui gaudent, tam-
quam non gaudentes: & qui emunt,
tamquam non possidentes: & qui
utúntur hoc mundo, tamquam non
utántur: præterit enim figúra hujus
mundi. Volo autem vos sinè sollicitú-
dine esse. Qui sinè uxóre est, solícitus
est, quæ Dómini sunt, quómodo plá-
ceat DEO. Qui autem cum uxóre est,
solícitus est, quæ sunt mundi, quómo-
do pláceat uxóri, & dívísus est. Et
múlier innúpta, & virgo, cógitat quæ
Dómini sunt; ut sit sancta corpore &
spíritu: in Christo JESU Dómino no-
stro.

Graduale. Psal. 149. Exultábunt
sancti in glória: lætabúntur in cubili-
bus suis. **ψ.** Cantáte Dómino canti-
cum novum: laus ejus in Ecclesiá san-
ctórum. **A**llelúja, allelúja.

ψ. Psal. 44. Adducéntur Regi vírgines
post eam: próximæ ejus afferéntur ti-
bi in lætítia. Allelúja.

Sequéntia sancti Evangélii secúndum
Matthæum. **Matth. 65.**

In illo témpore: Dixit JESUS discípu-
lis suis parábolam hanc: Símile
erit regnum cœlórum decem virgíni-
bus: quæ accipiéntes lámpades suas,
exiérunt óbviám sponso, & sponsæ.
Quinque autem ex eis erant fátuæ, &
quinque prudéntes: sed quinque fá-
tuæ accéptis lámpadibus, non sum-
pserunt óleum secum: prudéntes ve-
rò accepérunt óleum in vasis suis cum
lámpadibus. Moram autem faciente
sponso, dormitavérunt omnes, & dor-
miérunt. Média autem nocte clamor
factus est: Ecce sponsus venit, exíte
óbviám ei. Tunc surrexérunt omnes
vírgines illæ, & ornavérunt lámpades
suas. Fátuæ autem sapiéntibus dixé-
runt: Date nobis de óleo vestro: quia
lámpades nostræ extingúntur. Re-
spondérunt prudéntes, dicéntes: Ne
fortè non sufficiat nobis, & vobis, ite
pótius ad vendéntes, & émite vobis.
Dum autem irent émere, venit spon-
sus: & quæ parátæ erant, intravérunt
cum eo ad núptias, & clausa est jánu-
a. Novíssimè verò véniunt, & reliquæ
vírgines, dicéntes: Dómine, Dómine,
áperi nobis. At ille respóndens, ait:
Amen dico vobis, nescio vos. Vigi-
late itaque, quia nescitis diem, neque
horam. **Credo.**

Offertorium. Psalm. 44. Afferén-
tur Regi vírgines post eam: próximæ
ejus afferéntur tibi.

Secreta.

Inténde, quæsumus, Dómine, mune-
ra, altáribus tuis pro sanctárum vír-
ginum & mártýrum tuárum Ursulæ,
& sociárum ejus festivitáte propósita:
ut sicut per hæc beáta mystéria illis
glóriam contulísti, ita nobis indulgén-
tiam largiáris. Per Dóminum.

Pro comemoratione sancti Hilarionis.
Secreta.

Sacris altaribus, Domine, hostias superpositas sanctus Hilarion Abbas, quaesumus, in salutem nobis provenire deposcat. Per Dominum.

Communio. Matth. 25. Quinque prudentes virgines acceperunt oleum in vasis suis cum lampadibus: media autem nocte clamor factus est, Ecce sponsus venit, exite obviam Christo Domino.

Postcommunio.

Praesta nobis, quaesumus Domine, intercedentibus sanctis virginibus & martyribus tuis, ut, quod ore contingimus, pura mente capiamus. Per Dominum nostrum.

Pro comemoratione sancti Hilarionis Abbatis. Postcommunio.

Protegat nos, Domine, cum tui perceptione sacramenti beatus Hilarion Abbas, pro nobis intercedendo: ut & conversationis ejus experiamur insignia, & intercessionis percipiamus suffragia. Per Dominum.

FESTA NOVEMBRIS.

Die xii. Novembris.

I N F E S T O

SS. Martyrum quinque Fratrum Polonorum.

Introitus. Psal. 33.

Multae tribulationes justorum, & de his omnibus liberavit eos Dominus: Dominus custodit omnia ossa eorum: unum ex his non conteretur.

Psal. ibid. Benedicam Dominum in omni tempore: semper laus ejus in ore meo. *Y.* Gloria Patri.

Oratio.

Sanctorum nos, quaesumus Domine. martyrum tuorum, Benedicti

Joannis, Matthaei, Isaaci, atque Christi gloriola hodierna die trophaea laetificent: quatenus eorum interventione, ad illam perveniamus hereditatem, in qua iidem felices Angelorum coetibus aggregati, tuae semper majestatis perfruuntur ineffabili claritate. Per Dominum nostrum.

Lectio libri Sapientiae. Eccl. 44.

Hi viri misericordiae sunt, quorum pietates non defuerunt: cum semine eorum permanent bona, hereditas sancta nepotes eorum, & in testamentis stetit semen eorum: & filii eorum propter illos in aeternum manent: semen eorum, & gloria eorum non derelinquetur. Corpora ipsorum in pace sepulta sunt, & nomen eorum vivit in generationem & generationem. Sapientiam ipsorum narrent populi & laudem eorum nuntiet omnis Ecclesia.

Graduale. Psal. 132. Ecce quam bonum & quam jucundum, habitare fratres in unum. *Y.* Sicut unguentum in capite, quod descendit in barbam, Aaron. **Alleluja, alleluja.** *Y.* Haec est vera fraternitas, quae vicit mundi crimina: Christum secuta est, inclyta tenens regna coelestia. **Alleluja.**

Sequentia sancti Evangelii secundum Lucam. Lucae 12.

In illo tempore: Dixit Jesus discipulis suis: Attendite a fermento Phariseorum, quod est hypocrisis. Nihil autem operatum est, quod non reveletur: neque absconditum, quod non sciatur. Quoniam quae in tenebris dixistis, in lumine dicentur: & quod in aurem locuti estis in cubiculis, predicabitur in tectis. Dico autem vobis amicis meis: Ne terreamini ab his qui occidunt corpus, & post haec non habent amplius quid faciant. Ostendam autem vobis, quem timeatis: timeate eum, qui postquam occiderit, habet potestatem mittere in gehennam. Ita

dico vobis, hunc timéte. Nónne quinque pásseres vaneunt dipóndio, & unus ex illis non est in oblivióne coram DEO? sed & capílli cápitis vestri omnes numerári sunt. Nolíte ergo timére: multis passéribus pluris estis vos. Dico autem vobis: Omnis quicumque conféssus fúerit me coram homínibus, & Fílius hóminis confitébitur illum coram Angelis DEI.

Credo.

Offertorium. Psal. 5. Gloriabúntur in te omnes qui diligunt nomen tuum, quóniam tu Dómine benedíces justo: Dómine, ut scuto bonæ voluntátis tuæ coronásti nos.

Secreta.

Hostias tibi Dómine sanctórum mártýrum tuórum dicátas méritis benignus asúme: & ad perpétuum nobis tríbue proveníre subsidiúm. Per Dóminum.

Communio. Sap. 5. Et si coram homínibus torménta passi sunt, DEUS tentávit eos: & tamquam aurem in fornáce probávit eos, & quasi holocáusta accépit eos.

Postcommunio.

Sumpsimus Dómine sanctórum mártýrum tuórum, Benedícti, Joánnis, Matthæi, Isaáci, atque Christi solénnia celebrántes, Sacraménta coeléstia: præsta quæsumus, ut, quod temporáliter gérimus, ætérnis gáudiis consequámur. Per Dóminum nostrum JESUM Christum Filium tuum.

Die xix. Novembris.

I N F E S T O

S. Elisabeth Viduæ. Introitus.



Audeámus omnes in Dómino, diem festum celebrántes sub honóre beátæ Elisabeth: de cujus solemnitáte gaudent Angeli, & colláudant Filium DEI

Psal. 44. Eructávit cor meum verbum bonum: dico ego ópera mea Regi. **ꝰ.** Glória Patri.

Oratio.

Tuórum corda fidélium DEUS miserátor illústra: & beátæ Elisabeth préribus gloriósis fac nos próspéra mundi despícere & coelésti semper consolatióne gaudére. Per Dóminum nostrum JESUM Christum Filium tuum.

Léctio libri Sapiéntiæ. Prov. 13. b

Mulierem fortem quis invéniet? procul, & de últimis finibus pré-tium ejus. Confidit in ea cor viri sui, & spóliis non indigébit. Reddet ei bonum, & non malum, ómnibus diébus vitæ suæ. Quæsívit lanam & linum, & operáta est consílio mánuum suárum. Facta est quasi navis institóris, de longè portans panem suum. Et de nocte surrexit, deditque prædam domésticis suis, & cibária ancíllis suis. Considerávit agrum, & emit eum: de fructu mánuum suárum plantávit vineam. Accínxit fortitúdine lumbos suos, & roborávit bráchium suum. Gustávit & vidit quia bona est negotiatio ejus: non extinguetur in nocte lucérna ejus. Manum suam misit ad fórtia, & dígití ejus apprehendérunt fúsum. Manum suam apéruit inopi, & palmas suas exténdit ad páuperem. Non timébit dómui suæ à frigóribus nivis: omnes enim doméstici ejus vestíti sunt duplicibus. Stragulátam vestem fecit sibi: byssus, & púrpura indumentum ejus. Nóbilis in portis vir ejus, quando séderit cum senatóribus terræ. Síndonem fecit, & véndidit, & cíngulum trádidit Chananæo. Fortitúdo & decor indumentum ejus, & ridébit in die novíssimo. Os suum apéruit sapiéntiæ: & lex cleméntiæ in lingua ejus. Considerávit sémitas domus suæ, et panem otíosa non comédit. Surrexerunt filii ejus, & beatíssi-

mam prædicaverunt, vir ejus, & laudavit eam. Multæ filiæ congregaverunt divitias: tu supergressa es universas. Fallax grátia, & vana est pulchritudo: múlier timens Dóminum, ipsa laudábitur. Date ei de fructu manuum suarum: & laudent eam in portis ópera ejus.

Graduale. Psal. 44. Diffúsa est grátia in lábiis tuis: propterea benedixit te DEUS in ætérnum. **ÿ.** Propter veritatem, & mansuetudinem, & justitiam: & deducet te mirabiliter dextera tua. **Allelúja, allelúja.**

ÿ. ibid. Spécie tua, & pulchritudine tua, inténde, próspere procéde, & regna. **Allelúja.**

Sequéntia sancti Evangelii secúndum Matthæum. **Matth. 13. f**

In illo témpore: Dixit JESUS discipulis suis parabolam hanc: Simile est regnum cœlorum thesauro abscondito in agro, quem qui invenit homo abscondit, & præ gáudio illius vadit, & vendit universa, quæ habet, & emit agrum illum. Iterum simile est regnum cœlorum hómini negotiátóri quærénti bonas margaritas. Inventa autem una pretiósa margarita, ábiit, & vendidit ómnia, quæ hábuit, & emit eam. Iterum simile est regnum cœlorum sagénæ missæ in mare, & ex omni genere píscium congregánti. Quam, cum impléta esset, educéntes, & secus littus sedéntes, elegerunt bonos in vasa, malos autem foras misérunt.

Sic erit in consummatione sæculi: exhibunt Angeli, & separabunt malos de medio justorum, & mittent eos in caminum ignis: ibi erit fletus, & stridor dentium. Intellexistis hæc ómnia? Dicunt ei: Etiam. Ait illis: Ideo omnis scribe doctus in regno cœlorum, similis est hómini patrifamilias, qui profert de thesauro suo nova & vétera. **Credo.**

Offertorium. Psalm. 44. Filiæ regum in honore tuo, ástitit regina à dextris tuis in vestitu deaurato, circumdata varietate.

Secreta.

Accépta tibi sit, Dómine, sacratæ plebis oblátio, pro tuorum honore Sanctórum: quorum se méritis de tribulatione percepisse cognóscit auxilium. Per Dóminum nostrum JESUM Christum Fílium tuum: Qui tecum vivit & regnat in unitate Spíritus sancti DEUS.

Communio. ÿ. ibid. Diffúsa est grátia in lábiis tuis, propterea benedixit te DEUS in ætérnum.

Postcommunio.

Satiásti Dómine famíliam tuam munéribus sacris: ejus quæsumus semper interventióne nos réfove, cujus solémnia celebrámus. Per Dóminum nostrum JESUM Christum Fílium tuum: Qui tecum vivit & regnat in unitate Spíritus sancti DEUS.



AUGUSTÆ VINDELICORUM ET GRÆCI,
SUMPTIBUS PHILIPPI, MARTINI, & JOANNIS VEITH, FRATRUM.

M.DCCXXVII.



K A L E N D A R I U M
P A T R O N O R U M
 E T
F E S T O R U M
 R E G N I P O L O N I Æ.

- Dies M. F E S T A D E C E M B R I S.
- 4 **S.** Barbaræ Virginis & Martyris. Duplex. fol. 1.
- F E S T A F E B R U A R I I.
- 1 **S.** Brigidæ Virginis. Duplex. in Ecclesia Plocensi. fol. 2.
- 6 **S.** Dorotheæ Virginis & Martyris. Duplex. fol. 3.
- 7 **S.** Romualdi Abbatis. Duplex. fol. 3.
- F E S T A M A R T I I.
- 4 **S.** Casimiri Confessoris. Duplex. cum commemoratione S. Lucii Papæ & Martyris. fol. 3.
- 5 Translationis S. Wenceslai Mart. Duplex. in Ecclesia Cathedrali Cracoviensi. fol. 4.
- 10 **SS.** Cyrilli & Methodii Confess. Pontificum. Semiduplex. in Ecclesia Cathedrali Præmishensi. fol. 5.
- F E S T A A P R I L I S.
- 23 **S.** Adalberti Episcopi & Martyris. Duplex. fol. 6.
- F E S T A M A I I.
- 2 **S.** Sigismundi Regis & Martyris, in Plocensi Ecclesia. Duplex. fol. 7.
- 4 **S.** Floriani Militis & Martyris. Duplex. cum commemoratione S. Monicæ Viduæ. fol. 8.
- 8 **S.** Stanislai Episcopi & Martyris. Duplex. fol. 9.
- F E S T A J U N I I.
- 3 **S.** Erasmi Episcopi & Martyris, in Ecclesia Plocensi. Duplex. fol. 10.
- F E S T A J U L I I.
- 13 **S.** Margaritæ Virginis & Martyris. Duplex. fol. 11.
- 15 Divisionis SS. Apostolorum. Duplex. fol. 11.
- 24 **S.** Christinæ Virginis & Martyris, in Ecclesia Plocensi. Duplex. cum commemoratione Vigiliæ S. Jacobi. nisi sit Patrona, aut Titulus Ecclesiæ. fol. 16.
- F E S T A A U G U S T I.
- 16 **S.** Hyacinthi Confessoris. Duplex. cum commemoratione Assumptionis B. MARIE, & Octavæ S. Laurentii. fol. 12.
- 19 **S.** Benignæ Virginis & Martyris, in Dicecesi Vladislaviensi. Duplex. cum commemoratione Octavæ Assumptionis B. MARIE. fol. 14.
- 29 **S.** Sabinæ Martyris, in Ecclesia Cathedrali Fosumiensi. Duplex. fol.



F E S T A S E P T E M B R I S .

- 10 **S. Dalmatii Martyris, in Dioecesi Vladislaviensi.** Duplex. cum commemoratione Octavæ Nativitatis B. MARIE. fol. 15.
24 **S. Tyrſi Martyris, in Dioecesi Vladislaviensi.** Duplex. fol. 15.
27 **Translationis S. Stanislai Episcopi & Martyris.** Duplex. fol. 16.
28 **S. Wenceslai Martyris.** Duplex. fol. 17.


F E S T A O C T O B R I S .

- 10 **SS. Gereonis & Sociorum Martyrum, in Dioecesi Gneznensi.** Duplex. fol. 18.
15 **S. Hedwigis Viduæ.** Duplex. fol. 19.
20 **Translationis S. Adalberti Episcopi & Martyris.** Duplex. fol. 20.
21 **S. Ursulæ & Sociarum Martyrum.** Duplex. cum commemoratione S. Hilarionis Abbatis. fol. 21.

F E S T A N O V E M B R I S .

- 12 **SS. Martyrum quinque Fratrum Polonorum.** Duplex. fol. 23.
19 **S. Elifabeth Viduæ.** Duplex. cum commemoratione S. Pontiani Papæ & Martyris. fol. 24.

F I N I S .



FESTA SEPTEMBRIS

100. Dignitas in Dico. Vindicta. Duplex. fol. 100.
101. Dignitas in Dico. Vindicta. Duplex. fol. 101.
102. Dignitas in Dico. Vindicta. Duplex. fol. 102.
103. Dignitas in Dico. Vindicta. Duplex. fol. 103.
104. Dignitas in Dico. Vindicta. Duplex. fol. 104.
105. Dignitas in Dico. Vindicta. Duplex. fol. 105.


FESTA OCTOBRIS


106. Dignitas in Dico. Vindicta. Duplex. fol. 106.
107. Dignitas in Dico. Vindicta. Duplex. fol. 107.
108. Dignitas in Dico. Vindicta. Duplex. fol. 108.
109. Dignitas in Dico. Vindicta. Duplex. fol. 109.
110. Dignitas in Dico. Vindicta. Duplex. fol. 110.
111. Dignitas in Dico. Vindicta. Duplex. fol. 111.
112. Dignitas in Dico. Vindicta. Duplex. fol. 112.

FESTA NOVEMBERIS

113. Dignitas in Dico. Vindicta. Duplex. fol. 113.
114. Dignitas in Dico. Vindicta. Duplex. fol. 114.
115. Dignitas in Dico. Vindicta. Duplex. fol. 115.
116. Dignitas in Dico. Vindicta. Duplex. fol. 116.
117. Dignitas in Dico. Vindicta. Duplex. fol. 117.
118. Dignitas in Dico. Vindicta. Duplex. fol. 118.

F I N I S





X. III. 37



79975 Bibliotheca 2100
P. Camaldulensium in Bielany

Depozyt w Bibliotece Jagiellońskiej



10319

